

As drogas: ¡Drogas NO!

As prenzipals drogas son : opio, eroína, morfina, cocaína, LSD, cannabis, tranquilizáns, sondíferos, estasis, anfetaminas, tabaco y alcol.

Todas, encluso l'alcol y o tabaco, creigan dependenzia (ye dizir no se puede pasar sin prener toz os diyas una cantidá) y puede estar una dependenzia sicologica u/y fesica.

D' igual manera todas as drogas tienen efeutos prechudizials sobre l'organismo:

Drogas	Efeutos sobre l'organismo
opio, eroína, morfina	estremolezida ormonal, esferra cheneral
cocaína	tosizidá bascular y cardiaca, edemas
LSD	esbrunzes
cannabis u xachís	baxada d'esfensas inmunologicas
tranquilizáns, sondíferos	perda d'a inizatiba motriz
estasis	taquicardia, puyada d'a tensión alterial
anfetaminas	ipertensión, anomalías cardiacas
tabaco	infartos, trombosis, problemas respiratorios
alcol	problemas basculares, dexistibos,...

L' alcol y o tabaco son as únicas drogas legals n'Aragón, ye dizir que a suya benda ye legal, lo que da a ro gobierno zentral granizos-as esquimens en forma d'euros. As demás drogas son engalzadas debiu a que a suya situazió d'ilegalidá chenera unos esquimens a os suyos bendedors que no son recullitos por l'Estau.

As drogas producen una falsa uforia momentania en qui as presa ta dimpués menar-lo ent'a soledá, a depresión, a delincuenzia, o suizidio,...

Agora beyemos con más detalle ros efeutos que producen l'alcol y o tabaco :

L'alcol u esprito d'o bin

- L'abuso d'alcol fa que aumente o reepunte a ro fluxo sanguineo y puede prebocar trestuques n'o traste zerculatorio y emorragias.
- Como se modifica ra fluyidez d'as binzas neuronals, o funcionamiento d'o sistema nierbudo ye estorbato. O gasto d'alcol fa trafegar entre un 30 y un 40% de sustanzia d'o zelebro.
- L'alcol, en grans dosis, aumenta ro risque de penar infartos.
- O gasto d'alcol aumenta dica 18 begadas o risque de contrayer mal minchador de boca, garganchón u albero. Antimás inibe a sorzión de bellas bitaminas bitals ta l'organismo como ra bitamina B.
- A zerrosis epatica ye mui común entre ros alcolicos. Aparixen berras y nugolos que colapsan o figado y pueden causar a muerte .
- L'alcol preboca graus desarreglos orrmonals y de regla.
- L'alcol ye embrecato en muitos azidéns de trafico, azidéns laborals y en muchos autos delitius como malos tratos,...

O tabaco

- O tabaco preboca problemas respiratorrios como ro enfisema polmonar.
- Un fumarret contién a ro menos 40 susstanzias canzerixenas como ro benzeno, o radón, plomo, níquel y o cadmio.
- O tabaco preboca mal minchador de libiano. Antimás aumenta ro risque de patir mal minchador de rosta, estamaco, figado y buxiga.
- O gasto de tabaco reduce l'esperanza de bida en 10 añadas .
- O tabaco preboca malotías cardiovasculares.
- O tabaco produze perda de sensibilidá n'os sentius d'o ixolome y d'o gusto.
- As mullers fumadoras tienen mayors prebabilidaz de tener complicazions n'as empreñaturas, abortos no deseyatos, patir osteoporosis y incortada.
- O tabaquismo no solo que afeuta a ros fumadores sino que tamién causa esferras n'os no fumadores que biban n'un ambién cargau de fumo de fumarrez.